



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration

Broj: 02-05-691/19
Sarajevo, 26.12.2019. godine

SKUPŠTINA KANTONA SARAJEVO
n/r Elemedin Konaković, Predsjedavajući Skupštine
- o v d j e -

PREDMET: Odgovor na zastupničko pitanje, dostavlja se.-

V E Z A: Vaš akt broj: 01-05-43190-109/19 od 18.12.2019. godine

Na 16. Rednoj sjednici Skupštine Kantona Sarajevo, održanoj dana, 11.12.2019. godine, u okviru tačke dnevnog reda „Poslanička/zastupnička pitanja, inicijative i odgovori“, zastupnik Zvonko Marić, postavio je slijedeće zastupničko pitanje:

„Molim sve subjekte koji su zaduženi za provedbu PLANA INTERVENTNIH MJERA U SLUČAJEVIMA PREKOMJERNE ZAGAĐENOSTI ZRAKA U KANTONU SARAJEVO (Službene novine KS 44/19) da me obavijeste o poduzetim aktivnostima tokom epizoda “pripravnost” i “upozorenje” koje je trajalo od 06.12.2019. do 09.12.2019.

Naročito molim informaciju vezanu za aktivnosti pravnih lica koja svojom djelatnošću uzrokuju emisiju zagađujućih materija u zrak i njihovim poduzetim aktivnostima u toku trajanja epizoda povećanog aerozagađenja na području Kantona Sarajevo, a kojima su zaduženi gore pomenutim planom.“

ODGOVOR:

Kantonalna uprava civilne zaštite Kantona Sarajevo je u skladu sa svojim nadležnostima, kao subjekt zadužen za provedbu Plana interventnih mjera u slučajevima prekomjerne zagađenosti zraka u Kantonu Sarajevo („Službene novine Kantona Sarajevo“, broj 44/19 – u daljnjem tekstu: Plan), tokom trajanja epizoda “pripravnost” i “upozorenje” (u periodu od 06.12.2019. do



web: <https://kucz.ks.gov.ba>
e-mail: kucz@kucz.ks.gov.ba
Tel: + 387 (0) 33 257-330, 257-335
Fax: + 387 (0) 33 257-336
Sarajevo, Fehima efendije Čurčića 1

09.12.2019. godine), preko svog Kantonalnog operativnog centra civilne zaštite (koji radi neprekidno 24 sata svaki dan, što znači i u radne i u neradne dane – subota i nedjelja), zaprimala dojave građana o kršenju odredbi iz Plana.

U periodu od 06.12.2019. do 09.12.2019. godine Kantonalni operativni centar civilne zaštite primio je tri informacije o kršenju odredbi iz Plana i to:

- dana, 07.12.2019. godine u 15:30 sati od građanina da pravno lice H-M-K Promet d.o.o. Sarajevo, ul. Safeta Zajke br. 109., u svom ložištu (kotlovnici) loži razne vrste otpada i da na taj način zagađuje okolinu;
- dana, 07.12.2019. godine u 16:30 sati od građanina da pravno lice hotel Bistrik, ul. Bistrik br. 34., u svom ložištu (kotlovnici) loži ugalj i druge vrste ogrijeva koji zagađuje okolinu;
- dana, 09.12.2019. godine u 11:30 sati od građanina da pravno lice hotel Bistrik, ul. Bistrik br. 34., u svom ložištu (kotlovnici) loži ugalj i druge vrste ogrijeva koji zagađuje okolinu.

O primljenim informacijama odmah je obaviješteno Ministarstvo prostornog uređenja, građenja i zaštite okoliša.

S poštovanjem,



**PO OVLAŠTENJU
SEKRETAR UPRAVE**

Mešud Jusufović

Dostavljeno:

- Naslovu
- a/a



web: <https://kucz.ks.gov.ba>
e-mail: kucz@kucz.ks.gov.ba
Tel: + 387 (0) 33 257-330, 257-335
Fax: + 387 (0) 33 257-336
Sarajevo, Fehima efendije Čurčića 1